

四庫全書

史部

欽定四庫全書

尚史卷二十七

列傳五

鑲白旗漢軍李銘撰

周諸臣傳

以下東周

周桓公 周公忌父 周公閱 周公楚 周公

宰孔

周桓公名黑肩，周公旦之後也。食采于周，故亦曰周公。

周采地扶風雍縣東北有周城。

桓王三年

惠六年

鄭伯如周朝，王王不禮。

焉周桓公言于王曰我周之東遷晉鄭焉依善鄭以勸

來者猶懼不說况不禮焉鄭不來矣十三年

桓五年

王奪

鄭伯政鄭伯不朝秋王伐鄭虢公林父將右軍桓公將

左軍鄭為左右拒以當王師王師敗績莊王三年

桓十八年

桓公欲弑王而立王子克

子克莊王弟子儀

辛伯告王遂與王

殺桓公王子克奔燕初子克有寵于桓王桓王屬諸桓

公辛伯諫曰並后匹嫡兩政耦國亂之本也桓公弗從

故及辛伯周大夫也其後周公忌父為王卿士大叔帶

之難狄師伐周獲忌父

左傳

周公閱周之三公也襄王二十二年

僖王十年

王使閱聘于

魯僖公饗之有昌歆白黑形鹽閱辭曰國君文足昭也

武可畏也則有備物之饗以象其德薦五味羞嘉穀鹽

虎形以獻其功吾何以堪之及頃王崩匡王立閱與王

孫蕪爭政將訟于晉王叛王孫蕪使尹氏與聃啟

尹氏卿士

聃啟大夫訟閱于晉趙盾平王室而復之後有周公楚者簡

王六年

成十一年

楚惡惠襄之族之偪也且與伯與爭政

伯與

周卿士不勝怒而出及陽樊王使復之盟于鄆而入三日

復出奔晉

左傳

周公孔為周宰

杜預注宰官周采地

惠王以惠后故將廢大子鄭而立王子帶二十二年

僖五

年齊侯帥諸侯會王太子于首止以定其位故王恨齊

欲鄭伯叛之將盟王使宰孔召鄭伯鄭伯遂逃歸不盟

襄王元年

僖九年

諸侯會于葵邱王使宰孔賜齊侯胙既

盟宰孔先歸

左傳

遇晉獻公宰孔曰君可無會也夫齊侯好示務施與力而不務德故輕致諸侯而重遣之使至者勸而畔者慕懷之以典言薄其要結而厚德之以示之信三屬諸侯屬會也乘車之會三也存亡國三是以北伐山戎南伐楚西為此會也譬之如室既鎮其覺矣又何加焉吾聞之惠難徧也施難報也不徧不報卒于怨讐夫齊侯將施惠如出責是之不果奉而暇晉是皇雖後之會將在東矣君無

懼焉其有勤也獻公乃還宰孔謂其御曰晉侯將死矣

景霍以為城而汾河凍澮以為淵戎翟之民實環之汪

是土也

汪大貌

苟違其道誰能懼之今晉侯不量齊德之

豐否不度諸侯之勢釋其閉脩

閉守脩治也

而輕于行道失

其心矣君子失心鮮不夭昏

國語按宰孔與忌父同時經謂宰孔曰宰周公杜注

忌父曰周卿士豈一采地同時而有二公乎抑孔其名忌父其字乎

論曰黑肩比子克宰孔右子帶不弭亂而樹亂所謂從

君者與若夫辛伯之訓知所本矣凡有國者鑒之哉

單伯 單襄公 單頃公 單靖公 單獻公

單成公 單穆公 單武公 單平公

單愆期附

單襄公名朝王卿士其先為單伯封于單周之親族也

韋昭注

莊王時宋弑閔公單伯會伐宋頃王時單伯為魯請子叔姬于齊齊人執之既而赦之單伯如魯致命春秋貴之

公羊單伯淫于子叔姬穀梁同



單襄公事定王定王使襄公聘于宋遂假道于陳以聘

于楚火朝覲矣

火心星

道弗可行也候不在疆司空不

視塗澤不陂川不梁野有庾積場功未畢道無列樹墾

田若執膳宰不致餼司里不授館國無寄寓縣無施舍

民將築臺于夏氏及陳陳靈公與孔寧儀行父南冠以

如夏氏留賓弗見襄公歸告王曰陳侯不有大咎國必

亡王曰何故對曰夫辰角見而雨畢

辰角星名角星相見東方建戌之初

寒露節也雨畢者殺氣盛雨氣盡也

天根見而水涸

天根氏元之間謂寒露之後五日天根朝

見水潦  
盡竭也

木見而草木節解

本氏也謂寒露後十日

駟見

而隕霜

駟房星也謂建戌之中霜始降

火見而清風戒寒故先王之教

曰雨畢而除道水涸而成梁草木節解而備藏隕霜而

冬裘具清風至而脩城郭宮室故夏令曰九月除道十

月成梁其時倣曰收而場功倂而畚揭

畚土籠揭畀土之器

營室

之中土功其始

定謂之營室謂建亥小雪之中

火之初

見期于司里此先王之所以不用財賄而廣施德于天

下者也今陳國火朝覲矣而道路若塞野場若棄澤不

陂障川無舟梁是廢先王之教也周制有之曰列樹以表道立鄙食以守路國有郊牧置有寓望藪有圃草囿有林池所以禦災也其餘無非穀土民無縣耜野無輿草不奪民時不蔑民功有優無匱有逸無罷國有班事縣有序民今陳國道路不可知田在草間功成而不收民罷于逸樂是棄先王之法制者也周之秩官有之曰敵國賓至闕尹以告行理以節逆之候人為導卿出郊勞門尹除門宗祝執祀司理授館司徒具徒司空視塗

司寇詰姦虞人入材甸人積薪火師監燎水師監濯膳  
宰致餐廩人致餼司馬陳芻工人展車百官各以物至  
賓入如歸是故小大莫不懷愛其貴國之賓至則以班  
加一等並虔至于王使則皆官正涖事上卿監之若王  
巡守則君親監之今雖朝也不才有公族于周承王命  
以為過賓于陳而司事莫至是蔑先王之官也先王之  
令有之曰天道賞善而罰淫故凡我造國無從非彝無  
即愆淫各守爾典以承天休今陳侯不念亂續之常棄

其伉儷妃嬪而帥其卿佐以淫于夏氏不亦瀆姓矣乎

陳我大姬之後也棄衮冕而南冠以出不亦簡彝乎是

又犯先王之令也昔先王之教蔑帥其德也猶恐隕越

若廢其教而棄其制蔑其官而犯其令將何以守國居

大國之間而無此四者其能久乎定王六年宣八年襄公

如楚八年宣十年陳侯殺于夏氏九年宣十一年楚子入陳國語

十七年成元晉景公平戎于王王使襄公如晉拜成十

八年成二年晉敗齊于鞏使鞏朔獻捷于周王弗見使襄

公辭焉曰兄弟甥舅侵敗王畧王命伐之告事而已不

獻其功

左傳

簡王十一年

成十六年

晉敗楚于鄢使卻至告慶于周王叔

陳生

周大夫王叔簡公

飲之酒明日饗諸朝卻至見召桓公

王卿

士與之語召公以告襄公曰王叔子饗溫季

即卻至食邑于溫

以為必相晉國相晉國必大得諸侯勸二三君子必先

導焉可以樹令夫子見我以晉國之克也為己寔謀之

曰微我晉不戰矣楚有五敗晉不知乘我則強之戰而

勝是吾力也吾有三伐勇而有禮反之以仁吾三逐楚君之卒勇也見其君必下而趨禮也能獲鄭伯而赦之仁也若是而知晉國之政楚越必朝吾曰子則賢矣抑晉國之舉也不失其次吾懼政之未及子也謂我曰夫何次之有昔先大夫荀伯自下軍之佐以政趙宣子未有軍行而以政欒伯自下軍往是三子也吾又過于四之無不及若佐新軍而升為政不亦可乎將必求之是其言也君以為奚若襄公曰人有言曰兵在其頸其

卻至之謂乎君子不自稱也非以讓也惡其蓋人也夫  
人性陵上者也不可蓋也求蓋人其抑下滋甚故聖人  
貴讓且諺曰獸惡其網民惡其上書曰民可近不可上  
也詩曰愷悌君子求福不回在禮敵必三讓今卻至在  
七人之下而欲上之是求蓋七人也其亦有七怨怨在  
小醜猶不可堪而况在侈卿乎其何以待之晉之克也  
天有惡于楚也故倣之以晉而卻至佻天以為己力  
佻天功以  
為己力也不亦難乎佻天不祥乘人不義不祥則天



棄之不義則民畔之且郤至何三伐之有夫仁禮勇皆  
民之為也以義死用謂之勇奉義順則謂之禮畜義豐  
功謂之仁姦仁為佻姦禮為羞姦勇為賊有三姦以求  
替其上遠于得政矣以吾觀之兵在其頸不可久也雖  
吾王叔未能違難在大誓曰民之所欲天必從之王叔  
欲郤至能勿從之

國語

十二年

成十七年

襄公會諸侯伐鄭六月盟于柯陵

左傳

襄公見晉厲公視遠步高晉卿郤錡見其語犯郤犇見

其語迂卻至見其語伐齊國佐見其語盡魯成公見言  
及晉難及卻犇之譖襄公曰君何患焉晉將有亂其君  
與三卻其當之乎魯侯曰敢問天道乎抑人故也對曰  
吾非瞽史焉知天道吾見晉君之容而聽三卻之語矣  
殆必禍者也夫君子目以定體足以從之是以觀其容  
而知其心矣目以處義足以步目今晉侯視遠而足高  
目不在體而足不步目其心必異矣目體不相從何以  
能久夫卻氏晉之寵人也三卿而五大夫可以戒懼矣

高位寔疾債厚味實腊毒今卻伯之語犯叔适季伐犯  
則陵人适則誣人伐則掩人有是寵也而益之以三怨  
其誰能忍之雖齊國子亦將與焉立於淫亂之國而好  
盡言以招人過怨之本也唯善人能受盡言齊其有乎  
吾聞之國德而鄰于不修必受其福今君偪于晉而鄰  
于齊齊晉有禍可以取伯無德之患何憂於晉且夫長  
翟之人利而不義

長翟之人謂  
叔孫僑如

其利淫矣流之若何魯

侯歸逐叔孫僑如是年晉殺三卻明年晉厲公被弑而

齊人殺國佐皆如其言晉孫談之子周

談晉襄公之孫  
惠伯談也周者

談之子  
晉悼公

適周事襄公襄公有疾召其子頃公而告之曰

必善晉周周將得晉國其行也文能文則得天地天地  
所胙小而後國象天能敬帥意能忠思身能信愛人能  
仁利制能義事建能知師義能勇施辯能教昭神能孝  
慈和能惠推敵能讓此十一者夫子皆有焉成公之歸  
也吾聞晉之筮之也遇乾之否曰配而不終君三出焉  
一既往矣後之不知其次必此且吾聞之成公之生也

其母夢神規其臀以墨曰使有晉國三而畀驪之孫故名之曰黑臀于今再矣襄公曰驪此其孫也而令德孝恭非此其誰晉仍無道而鮮胄其將失之矣必蚤善晉

子其當之也及厲公之亂召周子而立之是為悼公

國語

單襄公卒子頃公亦為王卿士靈王二年

襄三年

頃公及

諸侯同盟于鷄澤

左傳

單靖公頃公子靈王九年

襄十年

單靖公代王叔陳生為

卿士以相王室晉羊舌肸之聘于周也靖公享之儉而

敬賓禮贈餞視其上而從之燕無私送不過郊語說昊天有成命單之老送羊舌肸肸告之曰異哉吾聞之曰一姓不再興今周其興乎其有單子也單若有闕必茲君之子孫實續之不出于它矣

國語

靖公子獻公亦為周卿士單獻公棄親用羈景王十年

昭七年襄頃之族殺獻公而立其弟成公十四年

昭十年單

成公會晉韓起于戚視下言徐羊舌肸曰單子其將死

乎十二月成公卒

左傳

單穆公旗者靖公之曾孫亦為王卿士景王二十一年

昭十八年將鑄大錢單穆公曰不可古者天災降戾于是乎

量資幣權輕重以振救民民患輕則為之作重幣以行之于是乎有母權予而行民皆得焉若不堪重則多作輕而行之亦不廢重于是乎有子權母而行小大利之今王廢輕而作重民失其資能無匱乎若匱王用將有所乏乏則將厚取于民民不給將有遠志是離民也且夫備有未至而設之有至而後救之是不相入也可先

而不備謂之急可後而先之謂之召災周固羸國也天  
未厭禍焉而又離民以佐災無乃不可乎將民之與處  
而離之將災是備禦而召之則何以經國國無經何以  
出令令之不從上之患也且絕民用以寔王府猶塞川  
原而為潢污也其竭也無日矣若民離而財匱災至而  
備亡王其若之何吾周官之于災備也其所急棄者多  
矣而又奪之資以益其災是去其藏而翳其人也王其  
圖之弗聽卒鑄大錢二十三年

昭二十年傳作  
昭二十一年

王將鑄



無射而為之大林單穆公曰不可作重幣以絕民資又  
鑄大鐘以鮮其繼若積聚既喪又鮮其繼生何以殖且  
夫鐘不過以動聲若無射有林耳不及也夫鐘聲以為  
耳也耳所不及非鐘聲也猶目不見不可以為目也夫  
目之察度也不過步武尺寸之間其察色也不過墨丈  
尋常之間耳之察酥也在清濁之間其察清濁也不過  
一人之所勝是故先王之制鐘也大不出鈞重不過石  
律度量衡于是乎生小大器用于是乎出故聖人慎之

今王作鐘也聽之弗及比之不度鐘聲不可以知飭制  
度不可以出節無益于樂而鮮民財將焉用之夫樂不  
過以聽耳而美不過以觀目若聽樂而震觀美而眩患  
莫甚焉出令不信刑政放紛動不順時民無據依不知  
所力各有離心上失其民作則不濟求則不獲其何以  
能樂三年之中而有離民之器二焉國其危哉王弗聽

國語

初景王太子壽卒王立子猛後復欲立子朝及傳賓起

有寵于王單穆公劉文公惡之二十五年

昭二十二年四月

王田北山使公卿皆從將殺單穆公劉文公而王崩子

猛立是為悼王五月攻賓起殺之盟羣王子于單氏六

月葬景王子朝作亂逐劉文公文公奔揚既而如劉單

穆公逆悼王于莊宮以歸王子還夜取王以如莊宮單

穆公出奔王子還與召莊公

召伯魚子朝黨

謀曰不殺單旗不

捷也與之重盟必來背盟而克者多矣從之遂奉王以

追單穆公及領

周地

大盟而復殺摯荒以說單穆公覺之

亡奔于平時羣王子追之單穆公殺還姑發弱驂延定

稠

八子靈景之族

子朝奔京單穆公伐之京人奔山劉文公遂

入于王城會鞏簡公甘平公敗績于京

並周卿士

單穆公欲

告急晉七月以王如平時遂如圃車次於皇劉文公又

如劉單穆公使王子處守于王城盟百工于平宮鄆盼

子朝黨

伐皇獲之焚諸王城之市八月司徒醜以王師敗

績于前城百工叛伐單氏之宮兵敗單氏反伐之十月

晉師九州之戎納王于王城單穆公劉文公以王師敗

績于郊十一月王子猛卒敬王立十二月晉師取前城

軍其東南王師伐京毀其西南敬王元年

昭二十三年

正月

王師晉師圍郊郊鄰潰王使告間晉師還四月單穆公

取訾劉文公取牆人直人六月子朝入于尹尹文公圍

誘劉佗殺之

佗劉文公族

單穆公從阪道劉文公從尹道伐

尹單穆公先至而敗劉文公還以王如劉子朝復入于

王城尹卒敗劉師于唐四年

昭二十六年

單穆公復如晉告

急劉人敗王城之師于尸氏又戰于施谷劉師敗績七

月劉文公以王出王城人焚劉王次于滑十月王起師

於滑十一月晉師克鞏召伯盈逐王子朝子朝奔楚召

伯逆王于尸及劉文公單穆公盟王入于成周單穆公

卒子武公亦為王卿士敬王十六年

定六年

子朝之餘黨

儋翩復作亂王處于姑猶十七年

定七年

單武公及劉桓

公敗尹氏于窮谷

尹氏復黨儋翩

晉復送王入于王城單平公

者亦為王卿士敬王三十八年

定八年

平公會魯哀公晉

定公吳夫差于黃池又有單愆期者周卿士單公子也

為靈王御士初靈王弟儋季卒其子拈將見王而歎愆  
期過諸廷聞其歎而言曰烏乎必有此夫入以告王且  
曰必殺之不感而願大視蹠而足高心在他矣不殺必  
害王曰童子何知及靈王崩儋拈欲立王子佞夫靈王  
子景

王弟周殺佞夫儋拈奔晉

左傳

劉康公 劉定公 劉獻公 劉文公 劉桓公

劉康公字季子定王母弟也

公羊傳

食采于劉定王八年

宣十  
年

王使劉康公聘于魯發幣于

大夫季孫行父仲孫蔑皆儉叔孫僑如公孫歸父

即東門子

家皆侈歸王問魯大夫孰賢對曰季孟其長處魯乎叔

孫東門其亡乎若家不亡身必不免王曰何故對曰臣

聞之為臣必臣為君必君寬肅宣惠君也敬恪恭儉臣

也寬所以保本也肅所以濟時也宣所以教施也惠所

以和民也本有保則必固時動而濟則無敗功教施而

宣則徧惠以和民則阜乃可以長保民矣敬所以承命

也恪所以守業也恭所以給事也儉所以足用也以敬



承命則不違以恪守業則不懈以恭給事則寬于死以  
儉足用則遠于憂則可以上下無隙矣今夫二子者儉  
則能足用矣用足則族可以庇二子者侈侈則不恤匱  
匱而不恤憂必及之若是則必廣其身且夫人臣而侈  
國家弗堪亡之道也王曰幾何對曰東門之位不若叔  
孫而泰侈焉不可以事二君叔孫之位不若季孟而亦  
泰侈焉不可以事三君若皆蚤世猶可若登年以載其

毒必亡

國語

十三年

宣十五年

晉趙同獻狄俘于周不敬劉康公曰不及

十年原叔

趙同也

必有大咎天奪之魄矣十七年

成元年

晉

平戎于王劉康公徵戎將遂伐之內史叔服諫不聽遂

伐茅戎敗績于徐吾氏簡王六年

成十一年

晉卻至與周爭

鄆田

鄆溫別邑

王命劉康公單襄公訟諸晉卻至曰溫吾故

也故不敢失劉單曰昔周克商使諸侯撫封蘓忿生以

溫為司寇與檀伯達封于河蘓氏即狄又不能于狄而

奔衛襄王勞文公而賜之溫狐氏陽氏先處之而後及

子若治其故則王官之邑也子安得之晉侯使卻至勿

敢爭八年

成十年

魯成公及諸侯朝王遂從劉康公成肅

公會晉侯伐秦成子受脤于社不敬劉康公曰吾聞之民受天地之中以生所謂命也是以有動作禮義威儀之則以定命也能者養之以福不能者敗以取禍是故君子勤禮小人盡力勤禮莫如致敬盡力莫如敦篤敦在養神篤在守業國之大事在祀與戎祀有執燔戎有受脤神之大節也今成子惰棄其命矣其不反乎五月

成子卒于瑕

左傳

劉定公夏者王官師靈王十三年

襄十四年

將昏于齊王使

劉定公賜齊侯命十四年

襄十五年

劉定公逆王后于齊景

王四年

昭元年

號之會王使劉定公勞晉趙武于潁館于

維汭劉定公曰美哉禹功德遠矣微禹吾其魚乎吾與

子弁冕端委以治民臨諸侯禹之力也子盍亦遠績禹

功而大庇民乎對曰老夫罪戾是懼焉能恤遠吾儕偷

食朝不謀夕何其長也劉定公歸以語王曰諺所謂老

將知而耄及之者其趙孟之謂乎為晉正卿以主諸侯而儕于隸人朝不謀夕棄神人矣神怒民叛何以能久趙孟不復年矣神怒不歆其祀民叛不即其事紀事不從又何以年十二月趙武卒

左傳

劉獻公擊王卿士景王十六年

昭十三年

與諸侯會于平邱

晉人將尋盟齊人不可晉侯使羊舌肸告劉獻公曰抑齊人不盟若之何對曰盟以底信君苟有信諸侯不貳何患焉告之以文辭董之以武師雖齊不許君庸多矣

天子之老請帥王賦元戎十乘以先啟行遲速唯君二

十五年

昭二十二年

劉獻公卒單穆公立其庶子狄是為文

公狄又名卷字伯蚩初事單穆公王子朝賓起有寵于

景王劉文公惡賓起之為人願殺之又惡王子朝之言

以為亂願去之及景王崩王子朝作亂劉文公奉王子猛

出次于皇子猛卒敬王立敬王四年

昭二十六年

王子朝奔

楚敬王乃入于成周

詳單穆公傳

十四年

定四年

劉文公會諸

侯于召陵謀伐楚以楚納子朝故七月劉卷卒

左傳

先是劉文公與萇弘欲城成周為之告晉衛彪傒適周聞之見單穆公曰萇劉其不沒乎天之所支不可壞也

其所壞亦不可支也其後周殺萇弘及貞王劉氏亡

國語

劉文公子是為劉桓公敬王十六年

定六年

周儋翩率子

朝之餘黨以作亂王處于姑蕘十七年

定七年

劉桓公與

單武公敗尹氏于窮谷十一月劉桓公單武公逆王于

慶氏晉師送王復入于王城十八年

定八年

劉桓公伐儀

栗孟單武公伐穀城簡城以定王室焉

左傳

論曰定靈之際單劉贊王室尸盟會諸侯嘗以得王命  
為重由是而樹德振功猶可做殷道之中興惜乎不及  
此也子朝之難旗卷盡瘁然翟泉泣盟而王子虎卒召  
陵泣盟而劉卷卒周之不振抑以天乎終春秋唯卒二  
卿蓋有微意也

### 內史過

內史過周大夫惠王十五年

莊三十  
二年

有神降于莘王問

諸過曰是何故也對曰國之將興明神降之監其德也



將亡神又降之觀其惡也故有得神以興亦有以亡虞夏商周皆有之王曰若之何對曰以其物享焉其至之日亦其物也王從之過往虢請命反曰虢必亡矣虐而聽于神

國語有神降于莘王問于內史過曰是何故固有之乎對曰有之國之將興民神無怨故明神降之觀其政德而均布福焉國之將亡民神怨痛無所依懷故神亦往焉觀其苛慝而降之禍是以或見神以興亦

或以亡昔夏之興也融降於崇山其亡也回祿信于  
聆隧商之興也禱杭次于丕山其亡也夷羊在牧周  
之興也鷩鷩鳴於岐山其衰也杜伯射王于鄩是皆  
明神之志者也王曰今是何神也對曰昔昭王娶于  
房曰房后實有爽德協于丹朱丹朱馮身以儀之生穆  
王焉寔臨照周之子孫而禍福之夫神壹不遠徙遷  
焉若由是觀之其丹朱乎王曰其誰受之對曰在虢  
土王曰然則何為對曰臣聞之道而得神是謂逢福

淫而得神是謂貪禍今號少荒其亡乎王曰吾其若  
之何對曰使太宰以祝史帥狸姓奉犧牲粢盛玉帛  
往獻焉無有祈也王曰號其幾何對曰昔堯臨民以  
五令其胄見神之見也不過其物由是觀之不過五  
年王使太宰忌父往獻內史過從至號號公亦使祝  
史請土焉內史過歸告王曰號必亡矣不禋于神而  
求福焉神必禍之不親于民而求用焉民必違之今  
號公動匱百姓以逞其違離民怒神而求利焉不亦

難乎十九年晉取虢

襄王三年

僖十一年

王使召武公及過賜晉侯命

惠公也

受玉

惰過歸告王曰晉侯其無後乎王賜之命而惰于受瑞先

自棄也已其何繼之有禮國之幹也敬禮之興也不敬

則禮不行禮不行則上下昏何以長世

左傳

國語襄王使召公過內史過賜晉惠公命呂甥卻芮

相晉侯不敬執玉卑拜不稽首內史過歸以告王曰

晉不亡其君必無後且呂卻將不免王曰何故對曰

民之所急在於大事先王知大事之必以衆濟也故  
祓除其心以和惠民考中度衷以蒞之昭明物則以  
訓之制義庶孚以行之祓除其心精也考中度衷忠  
也昭明物則禮也制義庶孚信也今晉侯即位而背  
外內之賂虐其處者棄其信也不敬王命棄其禮也  
施其所惡棄其忠也以惡實心棄其精也四者皆棄  
則遠不至而近不和矣將何以守國夫晉侯非嗣也  
而得其位亶亶怵惕保任戒懼猶曰未也若將廣其

心而遠其鄰陵其民而卑其上將何以固守夫執王  
卑替其摯也拜不稽首誣其王也替摯無鎮誣王無  
民夫天事恒象任重享大者必速及故晉侯誣王人  
亦將誣之欲替其鎮人亦將替之大臣享其祿弗諫  
而阿之亦必及焉八年晉侯隕於韓十六年晉人殺  
懷公無冑秦人殺子金子公

內史叔興

叔興父周內史襄王八年

僖十六年

隕石于宋五隕星也六

鷁退飛過宋都風也興聘于宋宋襄公問焉曰是何祥也吉凶焉在對曰今茲魯多大喪明年齊有亂君將得諸侯而不終退而告人曰君失問是陰陽之事非吉凶所生也吉凶由人吾不敢逆君故也

左傳

二十年

僖二十二年

王使太宰文公及興賜晉文公命興歸告

王曰晉不可不善也其君必霸逆王命敬奉禮義成敬王命順之道也成禮義德之則也則德以道諸侯諸侯必歸之且禮所以觀忠信仁義也忠所以分也仁所以

行也信所以守也義所以節也臣入晉境四者不失臣  
故曰晉侯其能禮矣王其善之樹于有禮丈人必豐王  
從之國語

### 內史叔服

叔服叔氏服字也

亦周內史魯僖公薨襄王二十六年文元年

王使服會葬公孫敖聞其能相人也見其二子焉服曰  
穀也食子難也收子穀也豐下必有後於魯國頃王六  
年文十四年有星孛入于北斗服曰不出七年宋齊晉之君



皆將死亂後皆如其言定王十七年

成元年

晉侯平戎于

王單襄公如晉拜成劉康公徼戎將遂伐之服曰背盟而欺大國此必敗背盟不祥欺大國不義神人弗助將何以勝不聽三月敗績于徐吾氏

左傳

論曰內史過曰禮國之幹敬禮之興叔興曰成禮義德之則嗚呼辨乎禮義而陰陽從矣周有五史內史掌六典八法八則八枋之貳固以禮教統官諧民其與叔世尚術詛民者有間矣

富辰

富卒附

富辰周大夫王子帶之召戎伐周也周討王子帶子帶

奔齊襄王十四年

僖二十二年

富辰言於王曰詩曰協比其

鄰昏姻孔云吾兄弟之不協焉能怨諸侯之不睦王說

王子帶自齊復歸于京師鄭人入滑十六年

僖二十四年

王

使伯服游繇伯

二子周大夫

如鄭請滑鄭伯怨惠王之入而

不與厲公爵也

莊二十一年鄭虢納王鄭伯享王王子之繫鑑號公請器王與之爵

又怨

襄王之與衛滑也故不聽王命而執二子王怒將以狄

伐鄭辰諫曰不可臣聞之大上以德撫民其次親親以相及也昔周公弔二叔之不咸故封建親戚以蕃屏周管蔡邲霍魯衛毛聃郇雍曹滕畢原鄆郇文之昭也邳晉應韓武之穆也凡蔣邢茅胙祭周公之胤也召穆公思周德之不類故糾合宗族于成周而作詩曰棠棣之華鄂不韡韡凡今之人莫如兄弟其四章曰兄弟阋於牆外禦其侮如是則兄弟雖有小怨不廢懿親今天子不忍小忿以棄鄭親其若之何庸勲親親暱近尊賢德

之大者也即聾從昧與頑用詈姦之大者也棄德崇姦禍之大者也鄭有平惠之勲又有厲宣之親棄嬖寵而用三良于諸姬為近四德具矣耳不聽五聲之和為聾目不別五色之章為昧心不則德義之經為頑口不道忠信之言為詈狄皆則之四姦具矣周之有懿德也猶曰莫如兄弟故封建之其懷柔天下也猶懼有外侮扞禦侮者莫如親親故以親屏周召穆公亦云今周德既衰於是乎又淪周召以從諸姦無乃不可乎民未忘禍

王又興之其若文武何王弗聽使顏叔桃子出狄師

國語王將以翟伐鄭富辰諫曰不可人有言曰兄弟  
讒閹侮人百里周文公之詩曰兄弟閹于牆外禦其  
侮若是則閹乃內侮雖閹不敗親也鄭在天子兄弟  
也鄭武莊有勲力于平桓我周之東遷晉鄭是依子  
續之亂又鄭之由定今以小忿棄之是以小怨置大  
德也無乃不可乎且夫兄弟之怨不徵于它徵于它  
利乃外矣章怨外利不義棄親即翟不祥以怨報德

不仁夫義所以生利祥所以事神仁所以保民也不義則利不阜不祥則福不降不仁則民不至古之明王不失此三德者故能光有天下而餗寧百姓今聞不忘王其不可以棄之王不聽

狄伐鄭取櫟王德狄人將以其女為后辰諫曰不可臣聞之曰報者倦矣施者未厭狄固貪恠王又啓之女德無極婦怨無終狄必為患王又弗聽

國語翟師伐鄭王德翟人將以其女為后富辰諫曰

不可夫婚姻禍福之階也利內則福由之利外則取禍今王外利矣其無乃階禍乎昔摯疇之國也由大任杞繒由大姒齊許申呂由大姜陳由大姬是皆能內利親親者也昔鄆之亡也由仲任密須由伯姑鄆由叔妘賄由鄭姬息由陳媯鄧由楚曼羅由季姬廬由薊媯是皆外利離親者也王曰利何如而內何如而外對曰尊貴明賢庸勲長老愛親禮新親舊然則民莫不審固其心力以役上令官不易方而財不匱

竭求無不至動無不濟百姓兆民夫人奉利而歸諸  
上是利之內也若七德離判民乃攜貳各以利退上  
求不暨是其外利也夫翟無列於王室鄭伯南也王  
而卑之是不尊貴也翟豺狼之德也鄭未失周典王  
而蔑之是不明賢也平桓莊惠皆受鄭勞王而棄之  
是不庸勲也鄭伯捷之齒長矣王而弱之是不長老  
也翟隗姓也鄭出自宣王王而虐之是不愛親也夫  
禮新不間舊王以翟女間姜任非禮且棄舊也王一



舉而棄七德臣故曰外利矣書有之曰必有忍也若能  
有濟也王不忍小忿而棄鄭又登叔隗以階翟翟  
封豕豺狼也不可厭也王弗聽

翟后立通于王子帶十八年

僖二十六年

王黜翟后翟人來

誅殺譚伯辰曰昔吾驟諫王王弗從以及此難若我不  
出王其以我為懟乎乃以其屬死之

國語

左傳頽叔桃子以狄師伐周大敗周師獲周公忌父  
原伯毛伯富辰

敬王時有富卒卒及石張如晉請城成周

左傳

### 萇宏

萇宏周大夫萇叔也景王十四年

昭十一年

王問于宏曰今

茲諸侯何實吉何實凶對曰蔡凶此蔡侯般弑其君之  
歲也歲在豕韋弗過此矣楚將有之然壅也歲及大梁  
蔡復楚凶天之道也二十年

昭十七年

晉使屠蒯如周請有

事于雒與三塗宏謂劉文公曰客容猛非祭也其伐戎  
乎陸渾氏甚睦於楚必是故也君其備之晉果滅陸渾其

衆奔甘鹿周大獲二十一年

昭十年

毛得殺毛伯過而代

之宏曰毛得必亡是昆吾稔之日也侈故之以而毛得

以濟侈于王都不亡何待子朝之亂南宮極右之敬王

元年

昭二十三年

八月南宮極震

地震極而死

宏謂劉文公曰君

其勉之先君

謂蚡之父劉獻公也

之力可濟也周之亡也其三川

震今西王

謂子朝

之大臣亦震天棄之矣東王必大克二

年

昭二十四年

南宮嚚以甘桓公見王子朝劉文公謂宏曰

甘氏又往矣對曰何害同德度義大誓曰紂有億兆夷

人亦有離德余有亂臣十人同心同德此周所以興也  
君其務德無患無人晉范吉射攻其君不克奔朝歌劉  
氏范氏世為婚姻宏事劉文公故周與范氏二十八年  
哀三年晉趙鞅以為討周人殺宏初劉文公與宏欲城成  
周為之告晉衛彪奚及晉女叔寬曰萇叔將不免天之  
所壞不可支也及是果及禍

左傳

論曰同人之類族辨物所以主離德之明也襄王舍鄭  
即狄敬王釋君助臣德之不明族類之所由紊也富死

萇討等死耳富之死為不可及已然執王使討王臣晉  
鄭不天而萇之死晉為政乎

倉葛

倉葛陽樊人襄王十七年

僖二十五年

晉文公殺大叔帶納

王于王城王以陽樊賜之陽人不服圍之倉葛呼曰王  
以晉君為德故勞之以陽樊陽樊懷我王德是以未從  
于晉謂君其何德之布以懷柔之使無有遠志今將大  
泯其宗祊而蔑殺其民人宜吾不敢服也夫三軍之所

尋將蠻夷戎狄之驕逸不虔于是乎致武此羸者陽也  
未狎君政故臣承命君若惠及之唯官是徵其敢逆命  
何足以辱師君之武震無乃玩而頽乎臣聞之曰武不  
可覲文不可匿覲武無烈匿文不昭陽不承獲甸而祇  
以覲武臣是以懼不然其敢自愛也且夫陽豈有裔民  
夫亦皆天子之父兄甥舅也若之何其虐之也晉侯聞  
之曰是君子之言也乃出陽氏

國語

伶州鳩

伶州鳩周樂官景王二十四年

昭二十一年

王將鑄無射問

之州鳩對曰臣之守官弗及也臣聞之琴瑟尚宮鐘尚

羽石尚角匏竹利制

以聲奇調利為制

大不踰宮細不過羽夫

宮音之主也第以及羽聖人保樂而愛財財以備器樂

以殖財故樂器重者從細輕者從大是以金尚羽石尚

角瓦絲尚宮匏竹尚議

議從其調利

草木一聲夫政象樂樂

從和和從平聲以和樂律以平聲金石以動之絲竹以

行之詩以道之歌以詠之匏以宣之瓦以贊之草木以

節之物得其常曰樂極極之所集曰聲聲應相保曰和  
細大不踰曰平如是而鑄之金磨之石繫之絲木越之  
匏竹

越謂為孔也

節之鼓而行之以遂入風于是乎氣無滯

陰亦無散陽陰陽序次風雨時至嘉生繁祉人民皞利  
物備而樂成上下不罷故曰樂正今細過其主妨于正  
用物過度妨于財正害財匱妨于樂細抑大陵不容于  
耳非皞也聽聲越遠非平也妨正匱財聲不皞平非宗  
官之所司也夫有和平之聲則有蕃殖之財若大匱財



用罷民力以逞淫心聽之不蘇比之不度無益于教而

離民怒神非臣之所聞也王不聽問律于州鳩對曰律

所以立均出度也

均者均鐘木長七尺有弦繫之以均鐘者度鐘大小清濁也

古之

神瞽考中聲而量之以制度律均鐘百官軌儀紀之以

三人

天也地

平之以六

六律也

成于十二

十二律呂也

天之道也夫

六中之色也故名之曰黃鍾

十一月曰黃鍾乾初九六律之首也

所以宣

養六氣九德也

六氣陰陽風雨晦明也九德水火金木土穀正德利用厚生也

由是第

之二曰太簇

正月曰太簇乾九二也

所以金奏贊陽出滯也三曰

姑洗

乾三月曰姑洗  
乾九三也

所以修潔百物考神納賓也四曰蕤

賓

五月曰蕤賓  
乾九四也

所以安靖神人獻酬交酢也五曰夷則

乾九月五也

上夷則

所以詠歌九則九則九功

平民無貳也六

曰無射

九月曰無射  
乾上九也

所以宣布哲人之令德示民軌儀

也為之六間

六間六呂在  
陽律之間也

以揚沈伏而黜散越也元間

大呂

十二月曰大呂  
坤六四也

助宣物也二間夾鍾

二月曰夾鍾  
坤六五也

出

四隙之細也

四隙四時之  
間氣微細者

三間中呂

四月曰中呂  
坤上六也

宣中

氣也四間林鍾

六月曰林鍾  
坤初六也

和展百事俾莫不任肅純

恪也五間南呂

八月曰南呂坤六二也

贊陽秀也六間應鍾

十月應

鍾坤六三也

均利器用俾應復也律呂不易無姦物也細鈞

有鍾無鐃昭其大也

細有鍾聲謂角徵羽也鍾大鍾鐃小

大平細

大鈞有鐃無鐘

大謂宮商也有鐃無鐘為兩大不相和故

大甚大無鐃

鳴其細也

甚大謂同尚大聲也則又去鐃鳴其細細謂絲竹草木也

大昭小鳴和之

道也蘇平則久久固則純純明則終終復則樂所以成

政也故先王貴之王曰七律者何

七律者黃鍾為宮大族為商姑洗為角林

鍾為徵南呂為羽應鍾為變宮蕤賓為變徵

對曰昔武王伐殷歲在鶉火

歲

星從柳九度至張十七月在天駟天駟房星也日在析木之

津津天漢也從尾十度至斗十一度為析木其間為漢津辰在斗柄辰日月之會斗柄斗前也

星在天鼃星辰星天鼃一曰玄枵從須女八度至危十五度為天鼃星與日辰之位

皆在北維北維北方水位也顓頊之所建也帝嚳受之我姬氏

出自天鼃天鼃齊之分野王季之母大姜齊女故言出自天鼃及析木者有建星

及牽牛焉建星在牽牛間謂從辰星所在天鼃至析木厯建星及牽牛皆水宿言得水類也則

我皇妣大姜之姪伯陵之後逢公之所馮神也歲之所

在則我有周之分野也月之所在辰馬農祥也辰馬謂房心星

也心星所在大辰之次為天駟駟馬也故曰辰馬農祥謂房星晨正而農事起也我太祖后稷

之所經緯也王欲合是五位三所而用之

王武王五位歲月日星辰

也三所逢公所馮神周分自鷄及駟七列也

從張至房七列合七

宿謂張翼軫角亢氐房也南北之揆七同也

歲在鷄火午辰星在天龜子鷄火周分野天龜

周所出自午至凡神人以數合之以聲昭之數合聲

然後可同也故以七同其數而以律餽其聲于是乎有

七律王以二月癸亥夜陳耒畢而雨以夷則之上宮畢之

上宮以夷則為宮聲夷則上宮也故以畢陳周禮大師執同律以聽軍聲而詔吉凶當辰辰在戌

上故長夷則之上宮名之曰羽

長謂先用之也辰時也辰日月之會斗柄斗當

初陳之時周二月昏斗建丑而斗柄在戌上下臨其時名其樂為羽所以屏藩民則也王

以黃鐘之下宮布戎于牧之野故謂之厲

黃鐘在下故曰下宮名此

樂為厲所以厲六師也以大蕤之下宮布令于商昭顯文

德底紂之多臯故謂之宣

太蕤在下故曰下官名其樂為宣

所以宣三

王之德也反及羸內

羸音鳩內汭地名

以無射之上宮布憲施

舍于百姓故謂之羸亂

無射在上故曰上宮名其樂為羸亂亂治也

所以優

柔容民也

國語

王卒鑄大鍾州鳩曰王其以心疾死乎夫樂天子之職

也夫音樂之興而鐘音之器也天子省風以作樂器以

鍾之興以行之小者不窕

窕他彫反細而不滿也

大者不櫛

櫛戶化反

橫而不入也

則和于物物和則嘉成故和聲入于耳而藏于

心心億則樂窕則不咸櫛則不容心是以感感實生疾

今鍾櫛矣王心弗堪其能久乎

左傳

鐘成伶人告蘇王謂州鳩曰鐘果蘇矣對曰未可知也

王曰何故對曰上作器民備樂之則為蘇今財亡民罷

莫不怨恨臣不知其繇也且民所曹好鮮其不濟也其所曹惡鮮其不廢也故諺曰衆心成城衆口鑠金今三年之中而害金再興焉懼一之廢也王曰爾老耄矣何

知二十五年

昭二十三年


王崩鐘不繇

國語

論曰仁置德武置服陽不服而武以臨之宜倉葛之言也陽樊屬周不欲隸晉周之德猶有所繫有土有民推以及遠安在其舊物之不可復耶記曰大樂與天地同和公孫尼子曰樂者審以一定和和者樂之本也先



王作樂以象德金石絲竹比音而樂之以底于和也輕  
重細大其或踰之猶之昌陽于冬扶陰于夏天地且戾  
豈唯一人州鳩之對猶為細夫



尚史卷二十七

欽定四庫全書

史部  
尚史卷

二十八至  
三十

主事臣尹壯圖覆勘

總校官檢討臣何思鈞

欽定四庫全書

高史卷二十八

列傳六

鑲白旗漢軍李銘撰

周諸王子傳

平桓莊惠諸子

王子狐

王子克

王子頽

王子帶

甘肅公

甘肅公

甘肅公

附

王子狐平王子鄭武公莊公為平王卿士王貳于虢鄭

伯怨王王曰無之故周鄭交質王子狐為質於鄭鄭公

子忽為質于周

左傳

王子克桓王子子儀也子儀有寵于桓王桓王屬諸周

公黑肩莊王三年

桓十年

周公欲弑莊王而立王子克辛

伯告王王殺周公王子克奔燕

左傳

王子頹莊王子母曰王姚王姚嬖于莊王故子頹有寵

薦國為之師惠王二年

莊十九年

王取薦國之圃以為囿邊

伯之宮近于王王取之又奪子禽祝跪詹父田而收膳

夫之秩故薦國邊伯詹父子禽祝跪石速作亂因蘇氏

奉子頹以伐王不克出奔溫蘇子奉子頹奔衛衛師燕

師伐周立子頹三年

莊二十一年

鄭伯和王室不克王處子櫟

秋入于鄆四年

莊二十一年

鄭虢納王殺王子頹及五大夫

左傳

大叔帶惠王子食邑于甘謂之甘昭公母曰惠后大叔

帶有寵于惠后惠后将立之未及而卒故齊桓公會王

大子鄭于首止謀寧周也二十四年

僖七年

惠王崩襄王

惡大叔帶之難懼不立不發喪而告難于齊明年春諸

侯盟于洮襄王定位而後發喪襄王三年

僖十一年

王子帶

召揚拒泉皐伊雒之戎同伐京師入王城焚東門秦晉

伐戎以救周秋晉侯平戎于王四年

僖十二年

王以戎難故

討王子帶子帶奔齊十四年

僖二十二年

富辰請召子帶王

從之子帶復歸于京師先是王使頹叔桃子

並周大夫

出狄

師以伐鄭王德狄人遂以其女為后是為隗氏子帶之

復也又通于隗氏王替隗氏十六年

僖二十四年

頹叔桃子

曰我實使狄狄其怨我遂奉子帶以狄師攻王王御士

將禦之王曰先后其謂我何寧使諸侯圖之遂出及坎

欽國人納之秋頽叔桃子奉子帶復以狄師伐周大敗

周師王出適鄭處于汜大叔以隗氏居于溫王使告難

于諸侯十七年

僖二十五年

秦伯師河上將謀納王晉侯辭

秦師而下三月右師圍溫左師逆王王入于王城取子

帶于溫殺之于隰城

左傳

子帶之後有甘成公甘景公甘簡公簡公弟過為甘悼

公成公孫魴為甘平公平公子為甘桓公桓公黨王子

朝

靈景諸子 太子晉 王子佞夫 太子壽

僖括附

王子朝

太子晉靈王子靈王二十二年

襄二十三年

穀洛關

穀洛二水名關

者兩水格有似于關

將毀王宮王欲壅之晉諫曰不可晉聞古之

長民者不墮山不崇藪不防川不竇澤夫山土之聚也

藪物之歸也川氣之導也澤水之鍾也夫天地成而聚

于高歸物于下疏為川谷以導其氣陂唐汚庠以鍾其



美是故聚不弛崩而物有所歸氣不沈滯而亦不散越  
是以民生有財用而死有所冀然則無天昏札瘥之憂  
而無飢寒乏匱之患故上下能相固以待不虞古之聖  
王唯此之慎昔共工棄此道也欲壅防百川墮高堙庫  
以害天下禍亂并興共工用滅其在有虞有密伯鯀播  
其淫心稱遂共工之過堯用殛之于羽山其後伯禹念  
前之非度釐改制量象物天地儀之于民共之從孫四  
岳佐之高高下下疏川導滯鍾水豐物莫非嘉績克厭

帝心皇天嘉之胙以天下胙四岳國命為侯伯若啓先王之遺訓省其典圖刑法而觀其廢興者皆可知也今吾執政無乃實有所避而滑夫二川之神使至于爭明以妨王宮王而飾之無乃不可乎人有言曰無過亂人之門又曰佐雖者嘗焉佐闕者傷焉又曰禍好不好不能為禍夫見亂而不惕所殘必多其飾彌章民有怨亂猶不可遏而況神乎王將防闕川以飾宮是飾亂而佐闕也其無乃章禍且過傷乎自我先王厲宣幽平而貪天

禍至于今未弭我又章之懼長及子孫王室其愈卑乎  
夫事大不從象小不從文上非天刑下非地德中非民  
則方非時動而作之者必不節矣作又不節害之道也

王卒壅之

國語

晉蚤卒故不立

周書晉侯尚力侵我王畧叔向聞儲幼而果賢作太  
子晉晉平公使叔譽于周見太子晉與之言五稱而  
五窮歸告公曰太子晉行年十五而臣弗能與言君

請歸聲就復與田平公將歸之師曠曰請使瞋臣往  
與之言若能蒙予反而復之師曠見太子稱曰古之  
君子其行可則由舜而下其孰有廣德王子應之曰  
如舜者天舜居其所以利天下奉翼遠人皆得己仁  
此之謂天如禹者聖勞而不居以利天下好取不好  
與必度其正是謂之聖如文王者其大道仁其小道  
惠三分天下而有其二敬人無方服事于商既有其  
衆而返失其身此之謂仁如武王者義殺一人而利

天下異姓同姓各得之謂義師曠告善又稱曰宣辨  
名命異姓惡方王侯君公何以為尊何以為上王子  
應之曰人生而重丈夫謂之胄子胄子成人能治上  
官謂之士士率衆時作謂之曰伯伯能移善於衆與  
百姓同謂之公公能樹名與物天道俱謂之侯侯能  
成羣謂之君君有廣德分任諸侯而敦信曰予一人  
善至于四海曰天子達於四荒曰天王四荒至莫有  
怨訾乃登為帝師曠鑒然又稱曰溫恭敦敏方德不

改聞物

闕

下學以起尚登帝臣乃參天子自古誰

王子應之曰穆穆虞舜明明赫赫立義治律萬物皆  
作分均天財萬物熙熙非舜而誰能師曠曰善哉王  
子汝將為天下宗乎王子曰太師何汝賤我乎自太  
皞以下至于堯舜禹未有一姓而再有天下者夫大  
當時而不伐天何可得且吾問汝之人年長短告  
吾師曠曰汝聲清汗汝色赤白火色不壽王子曰  
吾後三年上賓于帝所汝慎無言

闕

將及汝師曠

歸未及三年告死者至尸子太子晉生八年而服  
師曠潛夫論太子晉死孔子聞之曰惜哉殺吾君  
也

王子佞夫亦靈王子靈王崩靈王弟儋季之子儋括欲

立王子佞夫佞夫弗知景王二年

襄三  
十年

儋括作亂圍薦

逐薦邑大夫成憊五月尹言多殺佞夫儋括及其黨王

子瑕廖奔晉春秋書曰天王殺其弟佞夫罪在王也

左傳

太子壽景王子母穆后景王十八年

昭十  
五年

六月壽卒八

月穆后崩

左傳

景王無適立遂啓子朝之亂也

王子朝景王之長庶子也景王太子曰壽十八年

昭十五年

壽卒欲立子猛子朝有寵于景王王與其傅賓起說之

又欲立子朝二十五年

昭二十三年

夏四月王田北山將殺

單穆公劉文公而立子朝

閔語是年殺子猛之傅下門子

會王崩子猛

立是為悼王五月葬景王王子朝因舊官百工之喪秩

者與靈景之族以作亂帥郊要餞

三邑周地

之甲以逐劉文



公劉文公奔揚單穆公逆悼王以歸王子還子朝夜取

王以如莊宮單穆公出奔羣王子追單穆公單穆公殺

之子朝奔京已而鞏簡公甘平公敗績于京單穆公告

急于晉十月晉師納王于王城十一月悼王崩敬王立

元年

昭二十三年

晉師還子朝復入于王城二年

昭二十四年三

月晉侯使士彌年蒞問周故彌年立于乾祭而問于介

衆乃辭王子朝不納其使四年

昭二十六年

單穆公復如晉

告急晉帥師納王十月王起師於滑十一月晉師克鞏

召伯盈乃逐子朝子朝遂與其黨奉周之典籍以奔楚  
王入于成周子朝使告于諸侯曰昔武王克殷成王靖  
四方康王息民並建母弟以藩屏周亦曰吾無專享文  
武之功且為後人之迷敗傾覆而溺入於難則振救之  
至于夷王王愆于厥身諸侯莫不竝走其望以祈王身  
至于厲王王心戾虐萬民弗忍居王于彘諸侯釋位以  
間王政宣王有志而後效官至于幽王天不弔周王昏  
不若用愆厥位攜王奸命諸侯替之而建王嗣用遷邲

郈則是兄弟之能用力于王室也至于惠王天不靖周  
生頹禍心施于叔帶惠襄辟難越去王都則有晉鄭咸  
黜不端以綏定王家則是兄弟之能率先王之命也在  
定王六年秦人降妖曰周其有頹王亦克能修其職諸  
侯服享二世共職王室其有間王位諸侯不圖而受其  
亂災至于靈王生而有繩王甚神聖無惡於諸侯靈王  
景王克終其世今王室亂單旗劉狄剝亂天下壹行不  
若謂先王何常之有唯余心所命其誰敢討之帥羣不

弔之人以行亂于王室侵欲無厭規求無度貫瀆鬼神  
慢棄刑法倍奸齊盟傲狠威儀矯誣先王晉為不道是  
攝是贊思肆其罔極茲不穀震蕩播越竄在荆蠻未有  
攸底若我一二兄弟甥舅獎順天法無助狡猾以從先  
王之命毋速天罰赦圖不穀則所願也敢盡布其腹心  
及先王之經而諸侯實深圖之昔先王之命曰王后無  
適則擇立長年鈞以德德鈞以卜王不立愛公卿無私  
古之制也穆后及大子壽早夭即世單劉贊私立少以

間先王亦唯伯仲叔季圖之魯閔馬父聞子朝之辭曰  
文辭以行禮也子朝于景之命遠晉之大以專其志無  
禮甚矣文辭何為十五年

定五年

王人殺子朝于楚

左傳

論曰欲知來事視已然事桓王寵克而莊王寵頽惠王  
寵帶景王寵朝創未愈又養癰焉痛之迫身不且甚于  
已事乎曠林兄弟日尋干戈悼敬之頃曠紀五年周祚  
之危不啻朽索係隊石矣或謂東周無大失道緣遘國  
以凌夷豈其然哉

王子虎 王叔陳生

伯與附

王子虎者僖王之子也

公穀並以叔服為王子虎

為周太宰

國語○杜預注

為卿士

襄王二十年

僖二十八年

五月晉獻楚俘于王王命尹氏及

王子虎內史叔興父策命晉侯為侯伯曰王謂叔父敬

服王命以綏四國糾遯王慝癸亥王子虎盟諸侯于踐

土要言曰皆獎王室無相害也有渝此盟明神殛之俾

隊其師無克祚國及其玄孫無有老幼二十一年

僖二十九年

年王子虎盟諸侯于翟泉尋踐土之盟且謀伐鄭也二

十八年

文三

王子虎卒王子虎之子王叔桓公

名未詳

為

周卿士襄王二十八年

文三

楚師圍江晉以江故告于

周王叔桓公晉陽處父伐楚以救江門于方城遇息公

子朱

楚大

而還定王五年

宣七

鄭及晉平盟于黑壤王

叔桓公臨之以謀不睦

左傳

王叔簡公周卿士王叔陳生也簡王十一年

成十六年

晉克

楚于鄢使郤至告慶于周未將事王叔陳生飲之酒交

酬好貨皆厚飲酒宴語相說也明日又譽諸朝單襄公

譏之

國語

靈王四年

襄五年

我陵競周室王使王叔陳生愬我于晉

王叔陳生貳于戎晉人執之以告周九年

襄十年

王叔陳

生與伯輿爭政王右伯輿王叔陳生怒而出奔及河王復之殺史狡以說焉不入遂處之河上晉侯使士匄平

王室王叔陳生與伯輿訟焉王叔之宰與伯輿之大夫瑕禽坐獄于王庭士匄聽之王叔之宰曰寡門閭竇之



人而皆陵其上其難為上矣瑕禽曰昔平王東遷吾七  
姓從王牲用備具王賴之而賜之駢旒之盟曰世世無  
失職若簞門閨竇其能來東底乎且王何賴焉今自王  
叔之相也政以賄成而刑放于寵官之師旅不勝其富  
吾能無簞門閨竇乎唯大國圖之下而無直則何謂正  
矣士句曰天子所右寡君亦右之所左亦左之使王叔  
氏與伯與合要王叔氏不能舉其契王叔陳生奔晉  
伯與亦周卿士簡王六年成十一年又有伯與與周公楚爭

政或曰即伯輿

王孫滿 王孫說

王孫滿周大夫襄王二十五年

僖三十三年

秦將襲鄭過周

北門左右免胄而下超乘者三百乘王孫滿尚幼觀之

言于王曰秦師輕而無禮必敗輕則寡謀無禮則脫入

險而脫又不能謀能無敗乎秦滅滑而還晉敗秦師于

殽定王元年

宣三年

楚子伐陸渾之戎遂至于雒觀兵于

周疆王使王孫滿勞楚子楚子問鼎之大小輕重焉對

曰在德不在鼎昔夏之方有德也遠方圖物貢金九牧  
鑄鼎象物百物而為之備使民知神姦故民入川澤山  
林不逢不若螭魅罔兩莫能逢之用能協于上下以承  
天休桀有昏德鼎遷于商載祀六百商紂暴虐鼎遷于  
周德之休明雖小重也其姦回昏亂雖大輕也天祚明  
德有所底止成王定鼎于郊鄩卜世三十卜年七百天  
所命也周德雖衰天命未改鼎之輕重未可問也

左傳

王孫說周大夫簡王八年

成十年

魯成公來朝使叔孫僑

如先聘且告見王孫說與之語說言于王曰魯叔孫之來也必有異焉其享覲之幣薄而言諂殆請之也若請之必欲賜也魯執政唯強故不歡焉而後遣之且其狀方上而銳下宜觸冒人王其勿賜若貪陵之人來而盈其願是不賞善也且財不給故聖人之施舍也議之其喜怒取與也亦議之是以不主寬惠亦不主猛毅主德義而已王曰諾使私問諸魯請之也王遂不賜禮如行人及魯侯至仲孫蔑為介王孫說與之語蔑好讓說以

語王王厚賄之

國語

周亂臣傳

徐偃王

徐偃王徐君子

博物志徐君官人有娠而生卵以為不祥棄于水濱  
孤獨母有大鵠蒼銜所棄卵以歸覆煖之遂蛸成兒  
生時正偃故以為名徐君官中聞之乃更錄取長而  
仁智襲徐君國後鵠蒼臨死生角而九尾實黃龍也

偃王令葵之徐界中今見狗壟偃王既有國仁義著  
聞欲舟行上國乃通溝陳蔡之間得朱弓矢以已得  
天瑞因名為弓自稱徐偃王江淮諸侯多伏從伏從  
者三十六國周穆王遣使乘駟一日至楚使伐之偃  
王仁不忍鬪害其民為楚所敗逃走彭城武原縣東  
山下百姓隨之者以萬數後遂名其山為徐山

徐夷僭號乃率九夷以伐宗周西至河上穆王畏其方  
熾乃分東方諸侯命徐偃王主之偃王處潢池東地方

五百里行仁義陸地而朝者三十有六國

後漢書

穆王西

巡狩偃王反穆王日馳千里馬攻偃王大破之

史記○後漢書

穆王得驥驎之乘使造父御以告楚文王令伐徐一日而至于楚文王舉兵滅之淮南子作楚莊王○按莊王去穆王遠甚且春秋莊十年荆始見于經杜預注曰荆本楚號後改為楚楚僻陋在蠻夷于此始通上國然則令楚伐徐亦殊謬誤也偃王仁而無權不忍鬪其人故致于敗乃

北走彭城武原縣東山下百姓隨之者以萬數因名其

山曰徐山

後漢書

說苑王孫厲謂楚文王曰徐偃王好行仁義之道漢

東諸侯三十二國盡服矣王若不伐楚必事徐王曰  
若信有道不可伐也對曰大之伐小強之伐弱猶大  
魚吞小魚虎之食豚也文王遂伐徐殘之徐偃王將  
死曰吾賴于文德而不明武備好仁義之道而不知  
詐人之心以至于此荀子徐偃王之狀目可瞻焉尸  
子偃王有筋而無骨故曰偃也又曰徐偃王好怪使  
人沒深水而得怪魚入深山而得怪獸多列于庭

蒿國 邊伯 子禽 祝跪 詹父



為國邊伯子禽祝跪詹父並周大夫為國字子國為子

頹師初晉武公伐夷執夷詭諸周大夫為國請而免之既

而弗報僖王四年莊十六年為國作亂謂晉人曰與我伐夷

而取其地遂以晉師伐夷殺夷詭諸及惠王即位取為

國之圃以為圃又取邊伯之宮與子禽祝跪詹父田故

五大夫因蘇氏作亂奉王子頹以伐王不克出奔溫衛

師燕師伐周立子頹王處于櫟三年莊二十年鄭伯虢公納

王殺王子頹及五大夫

賓起 鄒盼 南宮極

鄒羅  
南宮豎附

賓起是為賓孟子朝之傳也景王立子猛起說子朝欲

立之二十五年

昭二十二年

起適郊見雄雞自斷其尾問之

侍者曰自憚其犧也遽歸告王且曰雞其憚為人用乎

人異于是犧者實用人人犧實難已犧何害

言設使寵人如犧則

不宜假人以招禍難使犧在已則無患害喻使早寵子朝

王弗應將立子朝而崩單

旗劉狄遂攻起殺之

左傳

鄒盼周大夫南宮極卿士並黨王子朝悼王既立王子

朝作亂單旗以王如平時遂如圓車次于皇鄴盼伐皇

大敗被獲焚諸王城之市敬王元年

昭二十三年

晉師納王

王子朝入尹南宮極以成周人戍尹地震極死鄴盼子

羅晉師納王而還六月王子朝復入于王城羅納諸莊

宮南宮極子嚚嚚以甘桓公見王子朝及晉師再納王

克鞏王子朝及毛伯召氏尹氏南宮嚚奔楚

左傳

僖翊 僖括

僖翊子朝之餘黨也敬王十六年

定六年

既殺子朝于楚

僖翩率子朝之徒因鄭人將以作亂于周鄭于是乎伐

馮滑胥靡負黍狐人闕外王處于姑蘄以辟其亂十七

年

定七年

僖翩遂入儀栗以叛冬十一月單旗劉狄逆王

晉人送王入于王城先是有僖括者靈王弟僖季之子

也靈王崩僖括欲立王子佞夫佞夫弗知景王三年

襄三

年

僖括圍蒺逐成愆

林堯叟注蒺周邑成愆蒺邑大夫

尹言多劉毅單

蔑甘過鞏成

五子周大夫

殺佞夫僖括奔晉

左傳

論曰古者天子有四鄰三公不必備唯其人是故有問

無以對責之疑有志而不志責之亟可正而不正責之  
輔可揚而不揚責之弼是故天子無爵三公無官參職  
天子任至重也養德之器而以淫人棄之蔑不敗矣為  
國師類賓起傅朝以淫蒙悖樹之侈心惡得不為衰周  
之禍哉諸子之亂佞夫最無罪食毒僭括卒隕厥生悲  
夫

尚史卷二十八

欽定四庫全書

尚史卷二十九

列傳七

鑲白旗漢軍李錯撰

周諸臣傳

以下戰國時

司寇布

西周

司寇布事西周武公武公之共太子死有五庶子無適

立司寇布為周最

即武公庶子

謂周君曰君使人告齊王以

周最不肯為太子也臣為君不取也函冶氏為齊太公

買良劔公不知善歸其劔而責之金越人請買之千金

折而不賣將死而屬其子曰必無獨知

言必無告人獨知其良耳今

君之使最為太子獨知之契也天下未有信之者也臣

恐齊王之謂君實立果

亦庶子

而讓之于最以嫁之于齊

君為多巧最為多詐君何不買信貨哉奉養無有愛于

最也使天下見之

國策

周最

周最者武公之庶子也



史記公子咎為太子國策楚請立公子咎齊請立最  
說兩存姑闕之

赧王四十五年周君之秦或謂周最曰不如譽秦王之  
孝也因以原為太后養地秦王太后必喜是公有秦也  
交善周君必以為公功交惡勸周君入秦者必有罪矣  
秦欲攻周最謂秦王

昭王

曰為王之國計者不攻周攻周

實不足以利國而聲畏天下天下以聲畏秦必東合于  
齊兵散于周而合天下于齊則秦孤而不王矣是天下

欲罷秦故勸王攻周秦與天下俱罷則令不橫行于天

下矣蘇厲為最謂蘇子

周臣

曰君不如令王聽最以地合

于魏趙故必怒

鮑注蘇子怒

合于齊

怒最而反其所合

是君以合齊

與強楚吏產子

時齊與楚善合齊則得與楚為與國可至再世產子言易也○按吏產子語義

未詳鮑解未安也

君若欲因最之事

謂與最同合魏趙此厲本謀也

則合齊者

君也割地者最也謂最曰仇赫

宋相

之相宋將以觀秦之

應趙宋敗三國

韓魏齊也

三國不敗將與趙宋合于東方

即韓

魏齊以孤秦亦將觀韓魏之于齊也不固則將與宋敗三

國則賣宋于三國

言赫不忠于宋不應秦則應三國

公何不令人謂韓

魏之王曰欲秦趙之相賣乎何不合周最兼相

使韓魏皆相之

視之不可離則秦趙必相賣以合于王也最既相魏欲

之齊客為最謂魏王

哀王

曰秦知趙之難與齊戰也將恐

齊趙之合也必陰動之趙不敢戰恐秦不已收也先合

于齊秦趙爭齊而王無人焉不可王不去周最合與收

齊而以兵急之則伐齊無固守矣

言不去周最使之合齊而以兵伐之則秦

亦必伐齊謂最曰魏王以國與先生貴合于秦以伐齊薛公

故主

最嘗仕齊故以薛公為故主主者猶孔子適宋輕主司城貞子之謂也鮑彪以為指齊閔王恐誤

忘其薛不顧其先君之邱墓

謂田文欲去國以避秦兵

而公獨修虛

信為茂行明羣臣據故主不與伐齊產以忿强秦

產猶生也

謂生此節目也

不可公不如謂魏王薛公曰請為王入齊天下

不能傷齊而有變臣請為救之無變王遂伐之

言有變臣救齊

無變王伐秦

且臣為齊奴也如累王之交于天下不可

言臣為齊

如奴事主不可因臣而使王惡于天下鮑注以文謂齊魏恐亦誤

王為臣賜厚矣臣入

齊則王亦無齊之累也最入齊謂呂禮

齊人

曰子何不

秦攻齊臣請令齊相子

禮使秦攻齊齊欲免攻故可使相禮

子以齊事秦

必無慮矣子因令最居魏以共之是天下制于子也子

東重于齊西貴于秦秦齊合則子常重矣齊聽祝弗

齊人

外最或謂齊王

閔王

曰逐周最聽祝弗相呂禮者欲深取

秦也秦得天下則伐齊深矣

言秦得齊則益強強則亦不能存齊

夫秦齊

合則趙恐伐故急兵以示秦

趙恐秦伐之急兵以攻齊

秦以趙攻與

之齊伐趙其實同理必不處矣

言秦以趙攻齊與趙齊伐趙其實相同以理斷

之必不據齊以伐趙齊無兵而趙已出兵故也之趨也處據也鮑注以理字為句

故用祝弗即

天下之理也

理在受兵于趙也

謂田文

即薛公

曰周最于齊王厚

也而逐之聽祝弗相呂禮者欲取秦也秦齊合弗與禮

重矣有齊秦必輕君君弗如急北兵趙趙以秦魏收周

最以為後行

後行猶後舉言與趙攻秦收最用之以為後舉

且反齊王之信又

禁天下之率

齊前與秦合今與趙攻之反其信也率從之又禁天下使從于齊

齊無秦

天下果弗必走齊王誰與為其國

言齊不合秦天下果于從齊祝弗必將出

走而齊舍田文無與為國矣果為句或為最謂金投

趙蓋

人之不曰秦以周最之齊疑天下

疑天下合而攻已

又知趙之

善齊者

難子

言趙不敢違投

齊人戰恐

秦既疑齊投又不善齊故齊懼伐

齊之合必先

合于秦秦齊合則公之國虛矣公不如救齊因佐秦而

伐韓魏上黨長子

並韓地

趙之有已公東收寶于秦南取

地于韓魏因以困徐為之東則有合矣

東謂齊言齊趙合也

最謂

金投曰公負令秦與強齊戰

負猶失也其失在此也

戰勝

謂齊勝秦

且收齊而封之使無多割而聽天下之戰

言齊勝秦秦收齊而疆理

之諸國求地于齊齊不多割則必戰此秦弱齊之計

不勝

謂齊不勝秦

國大傷不得不

聽秦

言齊不勝秦國必大傷不得不合于秦也鮑注以戰勝收齊謂秦勝而疆理齊不勝國大傷謂趙令

秦與齊戰秦不勝必咎趙趙必大傷詳其辭理恐亦誤也秦盡韓魏之上黨太原西

土秦之有已秦地天下之半也制齊楚三晉之命覆國

且身危是何計之道也

國策

游騰樊餘

游騰樊餘並周人秦令穰里疾

秦惠王弟

以車百乘入周周

君迎之以卒甚敬楚王

懷王

怒讓周以其重秦客騰謂楚

王曰昔智伯欲伐公由

夷國

遺之大鐘載以廣車因隨入

以兵公由卒亡無備故也桓公伐蔡也號言伐楚其實



襲蔡今秦虎狼之國也兼有吞周之意使檣里疾以車  
百乘入周周君懼焉以蔡公由惑之故使長兵在前強  
勢在後名曰衛疾而實囚之周君豈能無愛國哉恐一  
日之亡國而憂大王楚王乃悅韓魏易地西周弗利樊  
餘謂楚王曰周必亡矣韓魏之易地韓得二縣魏亡二  
縣所以為之者盡包于周多于二縣九鼎存焉且魏有  
南陽鄭地山川而包二周則楚方城之外危韓兼兩上  
黨

遠韓近趙  
故言兩

以臨趙即趙羊腸以上危故易成之日楚

趙皆輕楚王恐因趙兵以止易及秦敗楚漢中楚王入秦秦王留之游騰為楚謂秦王曰王挾楚王而與天下攻楚則傷行矣不與天下攻之則失利矣王不如與之盟而歸之楚王必不敢背盟背盟王與三國攻之義也

語圖

綦毋恢

綦毋恢周人也秦敗魏犀武于伊闕遂進攻周周君之魏求救魏王

昭王

以上黨之急

或有韓趙兵

辭之周君反見梁

圉而樂之也恢謂周君曰溫圉不下此而又近臣能為  
君取之反見魏王王曰周君怨寡人乎對曰不怨且誰  
怨乎臣為王有患也周君謀主也而設以國為王扞秦  
而王無之扞也臣見其必以國事秦也秦悉塞外之兵  
與周之粟以攻南陽而兩上黨絕矣

言趙韓援  
魏之路絕

魏王曰

然則奈何恢曰周君形不好小利事秦而好小利

謂小利

國言有秦助則無  
國患乃得游觀

今王許戍三萬人與溫圉周君得以

為辭于父兄百姓而私溫圉以為樂必不合于秦臣嘗

聞溫固之利計歲八十金周君得溫固以其事王者歲百二十金是上黨無患而嬴四十金魏王因使孟卯致溫固于周君而許之戎國策

宮他 馮睢

宮他周人謂周君曰宛恃秦而輕晉秦飢而宛亡

宛故申伯

國秦飢不暇救宛晉滅之

鄭恃魏而輕韓魏攻蔡而鄭亡

鄭君乙二十一年韓

東侯乃滅之

邾莒亡于齊

邾曹姓國莒盈姓國邾二十九世楚滅之蓋恃齊也

陳

蔡亡于楚

楚惠王十年滅陳四十二年滅蔡蓋恃楚不備也

此皆恃援國而輕

近敵也今君恃韓魏而輕秦國恐傷君不如使周最陰

合于趙以備秦則不毀魏周肖

鮑注疑即霄

謂他曰子為肖

謂齊王

王建

曰肖願為外臣令齊資我于魏他日不可是

示齊輕也夫齊不以無魏者以害有魏者

為魏所重者曰有魏無魏

反是故公不如示有魏公曰王之所求于魏者臣請以魏

聽齊必資公矣是公有齊以齊有魏也他有罪亡之東

周盡輸西周之情于東周東周大喜西周大怒有馮睢

者曰臣能殺之君予金三十斤睢使人操金與書間遺

他曰告宮他事可成勉成之不可成亟亡來事久且泄  
自令身死因使人告東周之侯曰今夕有姦人當入者  
矣侯得而獻東周東周立殺他

國策

顏率

顏率周人也秦興師臨周而求九鼎周君患之以告顏  
率率曰大王勿憂臣請東假救于齊率至齊謂齊王

王閔

曰夫秦之無道也欲興兵臨周而求九鼎周之君臣內  
自盡計與秦不若歸之大國夫存危國美名也得九鼎

厚實也願大王圖之齊王大發師五萬人使陳臣思將以救周而秦兵罷齊將求九鼎周君又患之率曰大王勿憂臣請東解之率至齊謂齊王曰周賴大國之義得君臣父子相保也願獻九鼎不識大國何涂之從而致之齊齊王曰寡人將寄徑于梁率曰不可夫梁之君臣欲得九鼎謀之暉臺之下沙海之上其日久矣鼎入梁必不出齊王曰寡人將寄徑于楚對曰不可楚之君臣欲得九鼎謀之葉庭之中其日久矣若入楚鼎必不出

王曰寡人終何涂之從而致之齊率曰敝邑固竊為王患之夫鼎者非效壺醢醬瓿耳可懷挾提挈以至齊者非效鳥集鳥飛兔興馬逝灑然止于齊者昔周之伐殷得九鼎凡一鼎而九萬人輓之九九八十一萬人士卒師徒械器被具所以備者稱此今大王縱有其人何涂之從而出竊為大王私憂之齊王曰子之數來猶無與耳率曰不敢欺大國疾定所從出敝邑遷鼎以待命齊王乃止率見韓公仲公仲不見率謂謁者曰公仲必以



率為陽故不見也公仲好內率曰好士公仲嗇于財率  
曰散施公仲無行率曰好義自今以來率亦正言之而  
已矣諷者以告公仲遽見之

國策

馬犯

馬犯周也報王四十二年秦破華陽約

破魏將  
芒卯

犯謂

周君曰請令梁戍周乃謂梁王

安釐王

曰周王病若死則

犯必死矣

正義周王憂懼國破若身之重病

犯請以九鼎自入于王王受九鼎而圖犯梁王曰善遂

與之卒言戍周因謂秦王曰梁非戍周也將伐周也王

試出兵境以觀之秦果出兵又謂梁王曰周王病甚矣

犯請後可而復之

國策甚作瘡後可而復之者言王病瘡所圖不遂請得其後有可之時以

鼎入梁也今王使卒之周諸侯皆生心後舉事且不信不若

令卒為周城以匿事端梁王曰善遂使城周

史記

周累

東周

周累周人也秦攻韓宜陽周君謂周累曰子以為何如

對曰宜陽必拔也君曰宜陽城方八里材士十萬粟支

數年公仲

韓相

之軍二十萬景翠

楚將

以楚之衆臨山而救

之秦必無功對曰甘茂羈旅也攻宜陽而有功則周公

旦也無功則消迹于秦秦王不聽羣臣父兄之議而攻

宜陽宜陽不拔秦王恥之臣故曰拔君曰子為寡人謀

且奈何對曰君謂景翠曰公爵為執珪官為柱國戰而

勝則無加焉矣不勝則死不如背秦援宜陽

翠時援宜陽而有秦

私故公進兵秦恐公之乘其敝也必以寶事公公仲慕

說之

公之為已乘秦也亦必盡其寶秦拔宜陽景翠果進兵秦懼遽致者秦韓氏果亦効重寶景翠得城于秦受寶于韓而德東周

國策

杜赫

杜赫周人赫欲重楚景翠于周謂周君曰君之國小盡君之重寶珠玉以事諸侯不可不察也譬之如張羅者張之于無鳥之所則終日無所得矣張于多鳥處則又駭鳥矣必張于有鳥無鳥之際然後能多得鳥矣今君將

施于大人大人輕君施于小人小人無可以求又費財  
焉君必施于今之窮士不必且為大人者故能得欲矣

周策 鮑彪注齊策楚策皆有杜赫當齊威王周顯王時  
去此八十年疑杜赫名誤 按楚策杜赫曰楚杜赫蓋

別是楚人而  
同名氏者

### 呂倉 工師藉

呂倉工師藉者皆周相也事周文君

鮑彪注惠公後別  
有此君或惠公別

稱淮南子亦有周昭文君工師藉免呂倉為相呂倉見客于周君前

相工師藉恐客之傷己也因令人為周君曰客者辯士

也然而所以不可者好毀人周文君之免工師藉相呂倉也國人不說君亦有閔閔之心或謂周文君曰國必有誹譽忠臣令誹在己譽在上宋君奪民時以為臺而民非之子罕釋相為司空民非子罕而善其君齊桓公宮中女市女間七百國人非之管仲故為三歸之家以掩桓公春秋記臣弑君者以百數皆大臣見譽者也故大臣得譽非國家之美也故衆庶成強增積如山周君遂不免

謂卒相倉也  
國策

溫人

溫人之周周不納客即對曰主人也問其巷而不知也  
吏囚之君使人問之曰子非周而自謂非客何也對曰  
臣少而誦詩詩曰普天之下莫非王土率土之濱莫非  
王臣今周君天下則我天子之臣而又為客哉故曰主  
人君乃使吏出之

國策

論曰戰國之士重舌辯傾危反覆無足取者滙之以見  
世風之變爾

尚史卷二十九